

Bosna i Hercegovina
Federacija Bosne i Hercegovine
Srednjobosanski kanton
OPĆINA GORNJI VAKUF – USKOPLJE
OPĆINSKO VIJEĆE

Broj: 01-05- /18
Datum, 24.07.2018.godine

Z A P I S N I K

sa 13. sjednice V saziva Općinskog vijeća općine Gornji Vakuf – Uskoplje, održane 05. jula 2018. godine u Velikoj sali općine Gornji Vakuf - Uskoplje, sa početkom u 10¹⁰ sati.
Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijčić Senad, Pomoćnici načelnika – Milić Nikola, Sofić Osman, Šain Branko, Matijanić Branko, zamjenica komandira Policijske stanice Gornji Vakuf-Uskoplje Šarić Jelena, predsjednik komisije za procjenu prometne vrijednosti nekretnina Livajušić Vendelin, ovlašteni predstavnik SDA Adis Agić, predsjednik OO SDP Gekić Edin, OSCE Terenski ured Travnik Hadžić Amir, predstavnici medija-RTV Bugojno.

Sekretar općine Prijčić Senad, je izvršio prozivku prisutnih vijećnika, tako da je na sjednici u vrijeme prozivke bilo prisutno 19 vijećnika i to: Idrizović Dževad, Manjgo Ramiz, Petrović Haris, Čaušević Merhila, Gafić Maid, Ramić Adnan, Brzika Amra, Demirović-Spahić Alena, Pidro Muris, Hadžiahmetović Dijamin - SDA, Novaković Ana, Batinić Goran, Jurina Danijela, Posavac Ivo, Novaković Marin, Žuljević Ivica– vijećnici Hrvatske liste HDZ BiH, HDZ 1990, HSP BiH i HSS Stjepan Radić, Karamustafić Naser i Kičin Kadir -SDP, Dedić Šeherzada – nezavisna vijećnica, Puljarga Sabahudin-SBB

Vijećnik Ramić Adnan-SDA došao je na sjednicu nakon izvršene prozivke u 10²⁵

Odsutna su bila 3 vijećnika; Krajina Marinko, Herceg Josip i Elez Berislav, vijećnici Hrvatske liste HDZ BiH, HDZ 1990, HSP BiH i HSS Stjepan Radić

Predsjednik Općinskog vijeća Gornji Vakuf – Uskoplje Batinić Goran dao je na usvajanje sljedeći

DNEVNI RED:

1. Vijećnička pitanja
2. Usvajanje Zapisnika sa 12.sjednice Općinskog vijeća Gornji Vakuf-Uskoplje
3. Informacija o radu Policijske stanice Gornji Vakuf-Uskoplje za 2017.godinu
4. Prijedlog Odluke o izmjenama i dopunama budžeta Općine Gornji Vakuf-Uskoplje za 2018.godinu – skraćeni postupak
5. Informacija o privredi u Općini Gornji Vakuf-Uskoplje u 2016.godini
6. Izvještaj o radu Općinske izborne komisije
7. Izvještaj o radu Komisije za procjenu prometne vrijednosti nekretnina
8. Izvještaj o radu Konkursne komisije
9. Izvještaj o radu Drugostepene stručno upravne komisije
10. Izvještaj o radu Komisije za davanje stručne ocjene u postupku izdavanja urbanističke saglasnosti
11. Prijedlog Odluke o izmjeni Odluke o sastavu Kolegija Općinskog vijeća Gornji Vakuf-Uskoplje - skraćeni postupak
12. Akti Imovinsko pravne službe

Diskusije:-

Predloženi Dnevni red usvojen jednoglasno sa (19 «za»)

Ad. 1.

Vijećnička pitanja

Odgovori na Vijećnička pitanja

Ivica Žuljević-Hrvatska lista

- Nisam zadovoljan odgovorom koji sam dobio na vijećničko pitanje; *Da li načelnik i općinske službe znaju za postavljanje ležećeg policajca na putu Grad-Ždrimci (raskrsnica Vrse-Ždrimci) i ako da, koja je svrha postavljanja istog koji ujedno nije označen ni prometnim znakom, niti je iscrtan?* U odgovoru Općinske službe navode da je raskrsnica opasna zbog samih neodgovornih učesnika u prometu. Otkud općinskim službama taj podatak, da je velik broj neodgovornih učesnika, da je velik broj neregistrovanih učesnika iz pravca Ždrimaca, mislim da je ovo posao za Policiju a ne za Općinske službe.
- Ispred mještana Ždrimaca i Bošnjaka i Hrvata tražim uklanjanje postojećeg „ležećeg policajca“

Nova vijećnička pitanja:

Ivo Posavac -HL

1. Da li policija šta poduzima po pitanju nepropisno parkiranih motornih vozila na raskrižju ulica S.S. Kranjčevića i Kralja Tomislava , gdje imamo izvučenu horiz. signalizaciju tj. parking mjesta paralelno uz kolnik radi nedovoljne širine istoga, a gdje se uporno parkira kako tko hoće, te kao tako parkirani smanjuju kutove preglednosti drugim sudionicama u prometu? Ovdje smo već imali dvije prometne nezgode a policija sve nijemo promatra.
2. Apeliramo Općinskom načelniku i Općinskom vijeću da opremimo jedno od naših komunalnih poduzeća potrebnom mehanizacijom da može vršiti krpanje udarnih rupa na gradskim ulicama.

Kadir Kičin -SDP BiH

1. Molim da nam se dostave imena i prezimena pripadnika (članova) svih komisija u Općini Gornji Vakuf-Uskoplje.
2. Po uviđaju na Budžet za 2016., 2017. i tekuću 2018.godinu, Općina izdvaja 50.000 KM međutim ni u jednoj godini nije utrošeno planirano izdvajanje u poljoprivrednu proizvodnju. Predlažem da se u narednom periodu taj novac utroši u izgradnju hladnjače koju bi koristili naši poljoprivredni potrošači !
3. Koji ležeći policajci imaju građevinsku dozvolu na dionici puta Karamustafići-Dobrošin-Boljkovac-Voljevac- Pridvorci ?

Nije bilo usmenih odgovora na vijećnička pitanja

Ad. 2.

Usvajanje Zapisnika sa 12. sjednice Općinskog vijeća

Diskusije:-

Zapisnik sa 12. sjednice Općinskog vijeća usvojen je jednoglasno sa (19 «za»)

Ad. 3.

Informacija o radu Policijske stanice Gornji Vakuf-Uskoplje za 2017.godinu

Šarić J.-ispred izvjestioca

- Dala je kratko obrazloženje Informacije o radu Policijske stanice Gornji Vakuf-Uskoplje za 2017.godinu

Diskusije:

Idrizović Dž.-SDA

- Lično mislim da je previše da u 24 sata imamo četiri puta mobilnu radarsku kontrolu na području općine Gornji Vakuf-Uskoplje u rasponu od dva kilometra (Benziska pumpa „Esso Petrol“- „Autobuska stanica“). Smatram da bi trebalo nekim tablama obilježiti gdje se nalazi mobilni radar.
- I ranije sam sa ove govornice isticao problem oduzetih vozila koja mjesecima zauzimaju 6-7 parking mjesta ispred Policijske stanice. To izgleda ružno, izgleda kao neka deponija i mislim da bi trebalo da se ta vozila uklone sa parkinga i da se izmjeste na neko drugo mjesto.
- Sve pohvale za rad Policije, mislim da Policija korektno radi svoj posao u granicama svojih mogućnosti i da su skoro sva teška krivična djela otkrivena.

Pidro M.-SDA

- U izlaganju Zamjenice komandira Policijske stanice Gornji Vakuf-Uskoplje nije spomenut problem „prosjačenja“. U protekloj godini smo imali samo šest prijava u vezi „prosjačenja“. Mislim da je to organizovani kriminal i veliki problem našeg grada i mislim da se može svrstati u grupu sa drogom koja je pronađena prilikom policijske kontrole na našem području.
- Mislim da neki Policijski službenici ne rade svoj posao kako bi trebalo da rade, to sam najbolje vidio na svom primjeru, da sam doživio da su dva Policijska službenika svjedočila protiv mene bez ikakvog dokaza, bez ičega. Problem koji sam ja imao sam iznio prošli put, ne želim ovdje nikoga spominjati, da neki Policijski službenici svjedoče protiv nekoga a nisu bili tu, ja ne mogu da shvatim, imam dokaze, to je na sudu i to ćemo dokazati.

Šarić J.-ispred izvjestioca

- Imamo instrukciju Ministarstva unutrašnjih poslova gdje je došlo do smanjenja broja prekršajnih naloga, moramo u više termina koristiti „mobilni radar“ da bi se smanji broj saobraćajnih nezgoda.
- Nigdje u instrukciji ne piše da se treba obilježiti mjesto gdje se nalazi mobilni radar, niti smo dužni obavijestiti na kojem se mjestu nalazi mobilni radar
- Naša Policijska stanica ima manjak ljudstva i MTS-a, veliki problem nam predstavlja da pokrijemo svakodnevne obaveze ako imamo manjak ljudstva i MTS-a.
- Oduzeta vozila se odvoze i deponuju na područje Slimena. Oduzeta vozila ne mogu se odvući na Slimena dok ne dobijemo Rješenja od suda, čekamo presude kad su u pitanju kaznena djela i kada su u pitanju prekršaji, da bi se ta vozila mogla prevesti na Slimena.
- Problematika prosjačenja nije zastupljena samo kod nas, to je problematika koja je zastupljena u svim gradovima. Mi smo općina sa najmanjim obimom prosjačenja na SBK-a. Problem nam predstavlja sankcionisanje tzv. „naših domaćih“ prosjaka.

Batinić G.-predsjednik OV-a

- Dajem na usvajanje sljedeći Zaključak: *Prihvata se Informacija o radu Policijske stanice Gornji Vakuf-Uskoplje za 2017.godinu*

Zaključak o Informaciji o radu Policijske stanice Gornji Vakuf-Uskoplje za 2017.godinu usvojen je sa većinom glasova (17 «za», 3 „suzdržana“ , 0 „protiv“)

Ad. 4.

Prijedlog Odluke o izmjenama i dopunama budžeta Općine Gornji Vakuf-Uskoplje za 2018.godinu – skraćeni postupak

Milić N.-ispred predlagača

- Dao je kratko obrazloženje Prijedloga Odluke o izmjenama i dopunama budžeta Općine Gornji Vakuf-Uskoplje za 2018.godinu – skraćeni postupak

Diskusije:

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 03.07.2018. godine, razmatrala Prijedlog Odluke o izmjenama i dopunama budžeta Općine Gornji Vakuf-Uskoplje za 2018.godinu, te daje pozitivno mišljenje i predlaže Općinskom vijeću da ga usvoji

Matijanić B.-ispred komisije za Statut i propise

- U preambuli ove Odluke stoji;...*na osnovu člana 36 i 37. Zakona o Budžetima u F BiH...*, a treba bi da stoji;... *na osnovu člana 7. Zakona o Budžetima u F BiH...*,
- Isto tako u preambuli umjesto;... *člana 4. tačka 7. Statuta općine Gornji Vakuf-Uskoplje...*, treba da stoji;...*član 38. tačka 4...., pošto se ovdje radi samo o izmjenama*
- Ova Odluka bi trebalo da glasi; *Prijedlog Odluke o izmjenama budžeta Općine Gornji Vakuf-Uskoplje za 2018.godinu*

Puljarga S.-SBB

- Imam nekoliko prijedloga za raspodjelu ovih sredstava koja su namijenjena za rekonstrukciju cesta i mostova-Ekonomski kod 821 612, predlažem da se iz ovih sredstava izvrši obnova odnosno izrada česme i korita na Zelenoj pijaci. To je jedina česma u gradu gdje se može natočiti voda a ona je u groznom stanju.
- U budžetu su planirano sredstva u jako malom iznosu za izradu zaštitnih ograda na lokalnim putevima, predlažem da se dio sredstava usmjeri u ove svrhe (Hrasnica do mosta uz Vrbas, dijelovi Bojske). Predlažem nasipanje „Zelenog puta“ u Duratbegović docu do lokalnog mezarja. Sanacija puta za Bistricu u području Ilovice i asfaltiranje preostalih neasfaltiranih dijelova u MZ Cvrče, Ždrimci, Hrasnica i dr.
- Ako je Općinski načelnik spreman dio ovog prihvatiti i uvrstiti u realizaciju spreman sam podržati ovaj rebalans

Čaušević S.-Općinski načelnik

- Kad je u pitanju ovaj rebalans, u okviru pojedinih stavki radit će se i poslovi koje je pobrojao vijećnik Puljarga S., oni se rade fazno i u saradnji sa višim nivoima vlasti
- Kad je u pitanju obnova česme i korita na Zelenoj pijaci to se može uraditi u okviru redovnih stavki, to nisu velika sredstva
- Odbojne ograde, nasipanje puteva i dr. se na zahtjev mjesnih zajednica odnosno samih mještana mogu riješiti iz 10% rezervnih sredstava, problem je u tome što mještani to nisu do tražili, sramota je da se ne može pristupiti greblju ali taj problem moraju mještani putem svojih mjesnih zajednica tražiti da se riješi i to će se uraditi.
- Većina ovih stvari će se riješiti u ovoj godini.

Batinić G.-predsjednik OV-a

- Dajem na usvajanje Prijedlog Odluke o izmjenama i dopunama budžeta Općine Gornji Vakuf-Uskoplje za 2018.godinu uz sugestije komisije za statut i propise

Prijedlog Odluke o izmjenama i dopunama budžeta Općine Gornji Vakuf-Uskoplje za 2018.godinu uz sugestije komisije za statut i propise usvojen sa većinom glasova (17 «za», 3 „suzdržana”, 0 „protiv”)

Ad. 5.

Informacija o privredi u Općini Gornji Vakuf-Uskoplje u 2017.godini

Milić N.-ispred izvjestioca

- Dao je kratko obrazloženje Informacije o privredi u Općini Gornji Vakuf-Uskoplje u 2017.godini

Diskusije:-

Batinić G.-predsjednik OV-a

- Dajem na usvajanje sljedeći Zaključak: *Prihvata se Informacija o privredi u Općini Gornji Vakuf-Uskoplje u 2017.godini*

Zaključak o Informaciji o privredi u Općini Gornji Vakuf-Uskoplje u 2017.godini usvojen sa većinom glasova (18 «za», 2 „suzdržana” , 0 „protiv”)

Ad. 6.

Izvještaj o radu Općinske izborne komisije

Sofić O.-ispred izvjestioca

- Dao je kratko obrazloženje Izvještaja o radu Općinske izborne komisije

Diskusije:

Gekić E.-predsjednik SDP-a

- Interesuje me da li je u pitanju sukob interesa da Vi kao pomoćnik načelnika obnašate funkciju Predsjednika Općinske izborne komisije
- Kako je moguće da pojedine političke stranke dobiju onaj originalni birački formular biračkih lista, koji se uredno kopira i obilazi građanstvo kako treba po pravilima da glasaju. To smo viđali, čak smo i mi kao politička organizacija koristili (na mjestu gdje je SDA zabilježena korektorom izbrisemo i stavimo tamo da treba glasati za Nasera, Kadira, Šeherzadu ili druge). Mislim da je krivično djelo iznošenje dokumenata i papira iz Općinske izborne komisije a to se pred svake izbore dešava.

Sofić O.-ispred izvjestioca

- Što se tiče moje pozicije kao Pomoćnika načelnika i Predsjednika Općinske izborne komisije ne vidim ni jedan jedini razlog da to može biti sukob interesa. Ako smatrate da je to sukob interesa imate Zakon o sukobu interesa, ako smatrate da je to sukob interesa onda možete pokrenuti postupak, po meni nema ni jednog jedinog razloga što sam državni službenik, tako da je samim tim sve rečeno da li mogu biti objektivan odnosno subjektivan u ovom procesu
- Ja stvarno ne znam kako je moguće da politički subjekti dobiju te obrasce jer Općinska izborna komisija nikom te obrasce ne daje, to je strogo zabranjeno. Na koji način oni to dobiju to trebate pitati njih

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu Općinske izborne komisije*

Zaključak o Izvještaju o radu Općinske izborne komisije usvojen sa većinom glasova (17 «za», 0 „suzdržanih” , 3 „protiv”)

Ad. 7.

Izvještaj o radu Komisije za procjenu prometne vrijednosti nekretnina

Livajušić V.-ispred izvjestioca

- Dao je kratko obrazloženje Izvještaja o radu Komisije za procjenu prometne vrijednosti nekretnina

Diskusije:-

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu Komisije za procjenu prometne vrijednosti nekretnina*

Zaključak o Izvještaju o radu Komisije za procjenu prometne vrijednosti nekretnina usvojen sa većinom glasova (17 «za», 3 „suzdržana” , 0 „protiv”)

Ad. 8.

Izvještaj o radu Konkursne komisije

Sofić O.-ispred izvjestioca

- Dao je kratko obrazloženje Izvještaja o radu Konkursne komisije

Diskusije:-

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu Konkursne komisije*

Zaključak o Izvještaju o radu Konkursne komisije usvojen sa većinom glasova (17 «za», 0 „suzdržanih” , 3 „protiv”)

Ad. 9.

Izvještaj o radu Drugostepene stručno upravne komisije

Matijanić B.-ispred izvjestioca

- Dao je kratko obrazloženje Izvještaja o radu Drugostepene stručno upravne komisije

Diskusije:-

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu Drugostepene stručno upravne komisije*

Izvještaj o radu Drugostepene stručno upravne komisije usvojen sa većinom glasova(16 „za”, 3 „suzdržana”, 0 „protiv”)

Ad. 10.

Izvještaj o radu Komisije za davanje stručne ocjene u postupku izdavanja urbanističke saglasnosti

Batinić G.-predsjednik OV-a

- Budući da iz opravdanih razloga na današnjoj nije prisutan predsjednik ove komisije Suad Šišić a do ostala dva člana nismo uspjeli doći, stoga bi odmah predložio da otvorimo raspravu po ovoj tački dnevnog reda

Diskusije:-

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu Komisije za davanje stručne ocjene u postupku izdavanja urbanističke saglasnosti*

Zaključak o Izvještaju o radu Komisije za davanje stručne ocjene u postupku izdavanja urbanističke saglasnosti usvojen sa većinom glasova(17 „za”, 3 „suzdržana”, 0 „protiv”)

Ad. 11.

Prijedlog Odluke o izmjeni Odluke o sastavu Kolegija Općinskog vijeća Gornji Vakuf-Uskoplje - skraćeni postupak

Prijčić S.-ispred predlagača

- Dao je kratko obrazloženje prijedloga Odluke o izmjeni Odluke o sastavu Kolegija

Diskusije:-

Prijedlog Odluke o izmjeni Odluke o sastavu Kolegija Općinskog vijeća Gornji Vakuf-Uskoplje - skraćeni postupak usvojen sa većinom glasova (19 «za», 1 „suzdržan”, 0 „protiv”)

Ad. 12.

Akti Imovinsko pravne službe

Prijedlog Odluke o prodaji dijela nekretnine označene kao k.č.11/20 k.o. SP_Gornji Vakuf (stari premjer) odnosno k.p. 2299 k.o. Gornji Vakuf (novi premjer)

Sofić O.-ispred predlagača

- Dao je kratko obrazloženje Odluke o prodaji dijela nekretnine označene kao k.č.11/20 k.o. SP_Gornji Vakuf (stari premjer) odnosno k.p. 2299 k.o. Gornji Vakuf (novi premjer)
- Radi se o kupovini jednog dijela državnog zemljišta radi oblikovanja građevinske parcele, radi se o 20 m² a ne o 75 m² kako ste dobili u materijalima, to je tehnička greška.

Diskusije:-

Prijedlog Odluke o izmjeni Odluke o o prodaji dijela nekretnine označene kao k.č.11/20 k.o. SP_Gornji Vakuf (stari premjer) odnosno k.p. 2299 k.o. Gornji Vakuf (novi premjer) usvojen sa većinom glasova (19 «za», 1 „suzdržan”, 0 „protiv”)

Sjednica završena u 11¹⁵ sati.

ZAPISNIČAR

Redžić Hidajet

PREDSJEDNIK
OPĆINSKOG VIJEĆA

Batinić Goran, mag.nov.